

卽合行移付欽遵施行等因送司安呈到部照得
在京文武官員人等該支折色俸給先年每米一
石折支銀二十五貫後該本部減一十五貫今
該前因合無於內再減去五貫止令折支二十貫
通行在京各該衙門俱有成化二年爲始照數減
除支給候年時豐稔收有銀貫之日仍令照舊施
行緣係撙節銀貫及節該奉

欽依所言都准事理未敢擅便具題奉
聖旨是欽此

賑濟饑民作弊問發充軍爲民例

成化二年閏三月初二日太子少保戶部尚書馬

等題爲陳情飢荒急務等事濟刑衛安參聽錄

典吏喬曷奏係直隸淮安府鹽城縣人近有本

府海州上糧吏沈雲赴京冠帶臣詢問得本處飢

荒人民流移大半鄉村老幼餓死數多父男子北

各自逃生夫婦分離不能相看五六歲子女止賣

米五斗一錢白銀糴米八升死者暴露於荒郊存

者望因而乞食樹草種抹取充飢野菜高攪掘尋

度日有司雖稱賑濟止憑里長作弊有錢者報名

閭糧食用無錢者餓死無辜舊歲幸蒙

聖恩俯念淮揚人民飢窘差御史吳 齋領官銀前去

買糧救濟本官到彼將銀給與州縣官員糴糧數

給中間有等貪濫官員全無恤民之心專務尅落之計却將前項假以前銷却押和鉛銅在內每戶給與一二錢者或三五錢各項前去有糧處所糴買及至彼驗得前銀不劫使用未免忍餓空回有死因於道路者家下人口以致無糧接濟兩不全生有將原給銀兩赴京告驗又被凌辱不敢聲言及將領出常盈等倉米麥等糧給與各州縣官吏里老大户人等總領給與飢民豈知總領之人通同將前項官糧押和糠粃水土在內文行加倍扣除使用方得給散雖有賑濟之名民無實用之食及訪得汝州民人沈貴已將前項訴告本府外今

又蒙

皇上復差都御史林

前去勸救飢荒安撫黎民緣准

安等處地方廣闊一時巡歷不用情恐前項之弊

官員仍蹈前非不可枚舉如蒙乞

勅戶部轉行都御史林

將前項作弊官吏里書人等

查究禁革以除民患等因具本成化二年三月二

十日該通政使司奏奉

聖旨戶部知道欽此欽遵批出到部送司案呈到部參照

典吏喬昌奏稱前事誠或有之臣等切惟淮揚等

處地方自去歲以來水旱災傷人民饑饉餓殍盈

途父子夫婦不相顧籍死於溝壑者不可勝數仰

蒙

皇上一視同仁命官往彼發倉廩反出

內藏金銀運送前去糴糧接濟其養民之心固保邦之意區畫措置之方無所不備至今衆口嗷嗷

至死相繼尚未得蘇而所奏中間查期有等貪婪不才官員罔體

朝

優恤小民之心惟務侵尅肥己將前糴糧官銀假以煎銷均散爲名却乃揀和鉛銅給與平民買糧致被買糧之人驗銀不堪使用其饑者不無受餓而死此等情弊蓋由官不得其人施設無法處置乖方失於禁治縱下人作弊民不蒙惠而呻吟嘆之聲有傷天地和氣若不與其重加禁治不惟民不霑澤抑且有負

聖恩拳拳受民之盛意合無本部移文都察院轉行右副都御史林 并巡按監察御史張海等將都御史吳 所放各該州縣賑濟饑民銀兩逐一親到取卷簿查查刷已未給散見在銀兩并揀和糧米

水土實跡拘集該州縣貪民研審是實就便照名拿問追究所侵銀兩還官及查海州民人沈貴所告前情查提事內犯人到官推問明白依律議擬問名不拘官吏軍民人等通行起解赴京辭審無異不爲常例俱發邊衛充軍民發口外爲民以後若有似前侵欺賑濟銀糧之人犯者一體解京發落其餘有犯仍照舊例施行如此庶使人知警懼官司免其作弊民受實惠而知感激之心緣係禁革奸弊事例及

欽依戶部知道事理未敢擅便具題奉

聖旨是欽此

無贓被冤官吏人等及有贓例無冠帶者送災荒去處納米還贓着役冠例